

## ԽՈՐԵՆ ՍԱՐԳՍՅԱՆ

Անսպասելի և անժամանակ կնքեց իր մահկանացուն հայ մտավորականության մի ամբողջ սերունդ ներկայացնող անվանի գրականագետ և խորհրդային Սարգսի Սարգսյանը, ինչպես ինքն է բնութագրել իրեն՝



Ուխտավոր անդուլ, դարերի ժառանգ  
Մի հեք նաիրցի՝ դնում եմ անկանդ,—

տերյանական տողերը բնարան դարձնելով իր վերջին ժողովածուի համար։

Այո՞, նաիրցի, «մի հեք նաիրցի», ծնված անցյալ դարավերջին՝ 1891 թ. Լեռնային Ղարաբաղի հայաշատ ու հայաշեն Մուշի քաղաքում։ Մահումը՝ գյուղացիական չքավոր ընտանիքից։ Միջնակարգն ավարտած 1910 թ. Բաքու քաղաքում։ Հայ բազմաթիվ մտավորականների ճակատագրով բարձրագույն կրթության հասած սեփական ջանքերի և ընդունակությունների շնորհիվ՝ Պետերբուրգ պատմա-բանասիրական ֆակուլտետ։ Հետագայում Խորեն Սարգսյանին մղում է զուգահեռաբար ունկնդրելու

հայագիտական և վրացագիտական առարկաներ։ Մառի, Ի. Ջավախիշվիլու, Նիկ. Ազունցի լսարաններում։

1917 թ. ավարտում է Պետերբուրգի համալսարանը՝ առաջին կարգի դիպլոմով։ Մեկ տարի. Բաքվում ուսուցչական աշխատանք տանելուց հետո, 1921 թ. փոխադրվում է Երևան, որտեղ և հաստատվում է մինչև իր կյանքի ավարտը։

Խորեն Սարգսյանի «անկանգ» կյանքը համընկնում է խորհրդային Հայաստանի ստեղծման, ու վերաշինության ժամանակաշրջանին։ Արյունալի տասնամյակներին փոխարինելու են դալիս խաղաղ աշխատանքի ու ստեղծագործության տարիներ։ Խորեն Սարգսյանը աշխատանքի է լծվում էշմիածնի գիտական ինստիտուտում, դրական արխիվում, դասավանդում բանֆակում, 1923—1927 թթ.՝ ուսաց լեզվի դասատու դինվորական դպրոցում, 1927—30-ին՝ մանկավարժական ուսումնարանում։ 1931 թ. Հայաստանի պետական թանգարանում գրական բաժնի պետ, իսկ 1935-ից՝ գրական թանգարանի վարիչ։ 1938 թ. աշխատում է ՍՍՀՄ ԳԱ հայկական ֆիլիալի, իսկ ակադեմիայի հիմնադրումից հետո՝ ՀՍՀՄ ԳԱ գրականության ինստիտուտում՝ որպես դիտարարող, 1941-ից՝ դիրեկտոր։ 1955-ին նա նշանակվում է հայ հին գրականության բաժնի վարիչ... Զուգահեռաբար աշխատանք «Գրական Պերթում», Գրողների միության վարչությունում, դասախոսություններ բարձրագույն ուսումնական հաստատություններում... և այսպես «անկանգ», մինչև բառիս բուն իմաստով կյանքի վերջին օրը։

Այս ընթացքը։ Իսկ ահա՞ մեք։

1. 1000 ձեռագրի նկարագրում և քարտադրում։
2. Թանգարանում՝ հայ հեղինակների արխիվային ֆոնդերի հարստացում, պահպանում և ժողովրդականացում։
3. Արմֆանում՝ դրական ժառանգության հրատարակում։
4. Դասական հեղինակների ակադեմիական հրատարակության կազմակերպում։
5. Բնագրագիտական բաժնի ստեղծում։
6. Գրականության պատմությունների հրատարակում։
7. Գիտական կադրերի հավաքագրում և պատրաստում։
8. Հայ դասականների ուսանողների ժողովրդականացում՝ թարգմանությունների ճանապարհով։

Այս բոլոր բնագավառներում անմիջական և

գործարար է եղել Խորեն Սարգսյանի կազմակերպչական մասնակցությունը, իսկ զգալի մասի մեջ՝ նաև հեղինակային:

Խ. Սարգսյանը Ֆողել է գրական հսկայական ժառանգություն, նվիրված հայ գրականության տարբեր շրջաններին՝ հայ հին, նոր ու նորագույն դասականների ուսումնասիրությանը, սկսած Մ. Արեղյանի ժառանգության հին գրականությանը, և ավարտված Զ. Քոչարի «Նահապետ» վիպակի, Պարույր Սեակի ու Համո Սահյանի ստեղծագործությունների գնահատումը:

Զարմանալի ամբողջական ու կուռ է Խորեն Սարգսյանի գրականագիտական համակարգը. կարծես բանավարկներ չի անցել Վեռնի և Ախսեյ Ռակցինցի գրական դիմանկարներին նվիրված նրա քննությունից, մինչև Սայաթ-Նովային, Թումանյանին, Տերյանին, Ստեփան Զորյանի գողտրիկ պատմվածքներին ու վիպապատումներին նվիրված հետազոտությունները: Խորեն Սարգսյանի՝ գրական անհատականությունը անհղծ է մնացել: Նրան չի հետաքրքրել ամեն ինչ՝ ամեն կողմից, այլ գրական-գեղագիտական որոշակի հարցադրում՝ որոշակի դիտակետից: Խոսքն, անշուշտ, չի վերաբերում նրա գիտական կյանքում հարատև էջ կազմող որևէ հեղինակի, հենց Միքայել Նալբանդյանի կյանքի ու գործի համակողմանի ուսումնասիրությանը կամ հայ գրականության պատմության համար գրված հատուկ գլուխներին (օրինակ՝ «Ռաֆայել Պատկանյան»): Ուշագրություն դարձնենք լուկ մեկ գրքի՝ «Տասնամյակների միջոց» ժողովածուում ընդգրկված «Նյութերին»:

«Տերյանի ուղին», «Թումանյանի քառյակները», «Ռաֆինյան և Արարատը», «Սայաթ-Նովայի երանգով, չարնցյան հղացումով», «Մարգարիտի փայլատակում», «Ազատության գաղափարը Նալբանդյանի աշխարհայեցողության մեջ», Իսահակյանի «Ողջունը բոլորին» բանաստեղծությունը, Ստ. Զորյանի «Խնձորի այգին», Մ. Արմենի «Հեղեղի աղբյուրը» և այլն և այլն:

Հիշյալ ոչ մի հոդվածում նպատակ չի դրվում համակողմանի քննության ենթարկել հեղինակին: Խորեն Սարգսյանը ծիածանային երանգավորումներին, խոսք-հնչյունային պատկերավորումներին, մանրանկարային հյուսվածքների վարպետ է, որ ոսկերչական զոհունակությամբ է արժեքավորում գյուտ-գոհարները, խոսք-մարդարիտներն ու կայծ-շառփույթները: «Բակունցն ունի մի սովորություն,— հանդարտորեն, կարծես ինքն իր հետ է խոսում արվեստարանը,— որ գերազանցորեն հատուկ է չափածո գրվածքներին: Ածականը ղեկավարում է գոյականից հետո՝ «ալիքը պղծողը», «Երմարը նահապետական», «Գյուլբա-

հարն այրի»։ Նախադասելու նման ոճը... երգի մի պատու է մտնում Բակունցի պրոզայի մեջ: Կամ՝ «Վահան Տերյանը ունի մահվան նվիրված երկու բանաստեղծություն, որոնցից մեկը սկսվում է «Խնձ թաղեք, երբ կարմիր վերջալույսն է մարում...», երկրորդը՝ «Իմ գերեզմանին դուք չմոտենաք...» բառերով... Այս երկու բանաստեղծություններում իրապես ո՛չ մահ՝ կա, ո՛չ թաղում, ո՛չ գերեզման: Այստեղ կան միայն այդ երկուքների դավաճած մտապատկերները, որոնք նորից ստեղծում են տիրություն, նկունություն, resignation-ի այն տրամադրությունները, որ բնորոշ են «Մեծնշողի անուրջներ» շարքին:

Ինչպես տեսնում ենք, մասնակին ոչ թե ինքնանպատակ է դիտվում գրականագետի կողմից, այլ միշտ քննարկվող հեղինակին բնորոշ գեղագիտական համակարգում, մասնակին իբրև բնորոշ արտահայտություն: Սա գրականագիտական այն հատկությունն է, ճաշակը, որ աչք չի ծակում, սակայն բխում է գրականության սպեցիֆիկայի իմացությունից ու զգացողությունից, այսինքն՝ այս է գեղարվեստական երկի վերլուծությունը: Երկի գաղափարներն ու բովանդակությունը ամենքին են տեսանելի, բայց ստեղծագործության հեղինակային հորինվածքի թռիչքներն ու հյուսումները՝ տեսանելի միայն նրբաճշակ գրականագետին: Այդպիսին էր հենց Խորեն Սարգսյանը:

Նթե սրա վրա ավելացնենք նրա մարդկային նկարագրի ուսանելի բարեմասնությունները՝ աշխատասիրությունը, կարգապահությունը, պարտաճանաչությունը, իր և ուրիշների հանդեպ խստապահանջությունը, երիտասարդ կադրերի նկատմամբ արտակարգ հոգատարությունը, կյանքի ամեն մի օրը իմաստավորելու ճաշակը՝ գեղեցկորեն ներդաշնակված թումանյանական կենսասիրության հետ, ծանր օրերին դիմակայելու փիլիսոփայական տոկունությունը, առաջացած տարիքում միշտ նորը և առաջադիմականը զգալու և գնահատելու ապշելի զգացողությունը, բարեկրթությունը, ընտանեկան և ընկերական կյանքում ներդաշնակությունը, ապա այս ամենը ինչ որ չափով միայն կուրվադժեն Խորեն Սարգսյան շրականագետի և մարդու կերպարը, որի հեռացումը մի բաց տեղ՝ «բախտ» չափով թողնեց ժամանակակիցների սրտում:

Մեզանից հեռացավ հայ գրականության ահագույն արտադրող, մի ամբողջ սերնդի հոգևոր ուսուցիչն ու մկրտիչը, ընկերն ու բարեկամը՝ անշնչելի ու կենդանի հետք թողնելով բոլորիս սրտում:

ՄԱՅԻՍ ԱՎԴԱԼԻՑԵԳՅԱՆ